

18

AUCUPIUM

33



CARMEN
AUTHORE CAROLO
FONTON,
RHETORICES ALUMNO ;
IN REGIO
LUDOVICI MAGNI COLLEGIO
SOCIETATIS JESU.



337.2

PARISIIS,
Ex Typographiâ THIBOUST, REGIS
Typographi, in Plateâ Cameracensi.

M. DCCXLIIL.
CUM PERMISSU.

THE
OFFICE OF THE
SHERIFF
COUNTY OF
SANTA BARBARA
CALIFORNIA
JAN 1 1900
RECEIVED
FROM THE
SHERIFF
COUNTY OF
SANTA BARBARA
CALIFORNIA



THE
OFFICE OF THE
SHERIFF
COUNTY OF
SANTA BARBARA
CALIFORNIA
JAN 1 1900
RECEIVED
FROM THE
SHERIFF
COUNTY OF
SANTA BARBARA
CALIFORNIA



ILLUSTRISSIMO VIRO
D. D. JOANNI - FREDERICO
DE PHELYPEAUX,
COMITI DE MAUREPAS,
REGI A SECRETIORIBUS
CONSILIIS, MANDATIS ET EPISTOLIS
REGNI ET REI MARITIMÆ ADMINISTRO,
REGIONUM ORDINUM COMMENDATORI.



*CEANI famulum cui Rex dedit
ipse Tridentem
Ferre manu, & variis imperitare
Fretis.*

*Commoda qui Regni, atque arcana Negotia tractas:
Nobilis ingenio, Consiliisque potens.
Sat rebus, vir summe, datum: jam desine tandem,
Desine continuos invigilare dies.
Fessa jacet mens quam nimii fregere labores,
Seria ni levibus sint recreata jocis.*

A ij

4

*Ne tua, ne timeas in Publica Commoda peccent
Otia: quippe animos mens capit inde novos.
Quod certè nescis, ne dedignere doceri;
Scilicet hîc mecum disce parare dolos.
Quid refugis? ..video... fraudis te nominaterrent;
Parce metu: solas fraudes ea fallit aves.
Forte magis placeat, si Principe digna locutus,
Fulmineâ doceam sternere glande feras;
Aut ut celsa petens, pugno se solvit herili
Unguibus ut prædam Regia figat Avis.
Dulcia sed riguo dum duces otia rure,
Dumque aurâ cupies liberiore frui:
Forſitan & volucres viſco captare juvabit:
Non fugit exiles mens bene nata jocos.
Quamquam parva cano, tenuis non gloria vatem,
Carmina nostra tibi ſi placuere, manet.
Ni placeant, ſaltem ſit laus voluiſſe placere:
Hæc tantum accipias, id mihi munus erit.
Non fuit hæc mea mens incertos quærere plauſus;
Me laus ſi qua movet, quam dabis, illa movet.*





AUCUPIUM

CARMEN.



RMA canant, alii Pacis quos blanda
fatigant

Oria, vel laudis quicumque incensus
amore,

Ambiat effuso venales sanguine Lauros.

Bellum grande onus, & nostris imbellibus impar

Argumentum humeris; juvenes juvenilia tractent.

Hinc procul insidiæ belli: nos dicere Bella

Aucupii aggredimur; sunt hæc certamina ludi.

Pandite, Pierides, docti Penetralia Pindi;

Pandite, felices vestro sit Numine tractus

Visere, & Aonio potare ex Fonte liquores.

Aucupium volucres quo pacto glutine fallat

Dicite nunc, variosque dolos quibus impius Auceps

Innocuam gestit, crudelis, perdere gentem;

Seu Pedicis vincire pedes, seu prendere tentet

Reticulo volucrem, laqueo seu stringere malit.

A iij

Primùm scire decet quo tempore Bella parare
 Sylvarum hospitibus liceat, quo Bella venentur.
 Ergo signorum positus, variasque figuras
 Aspice; non omni fas est sub sydere tristes
 Moliri insidias avibus: si fallere visco
 Quæris aves, Messor cùm falcem immisit aristas,
 Tempore quo tellurem imam calor igneus urit,
 Ne facias, tibi namque cadet fraus irrita: multos,
 Dum gravis incumbit campis sitientibus æstas,
 Hoc tentasse ferunt, sed spes delusit hiantes.
 Se solvère dolis, viscum fugère volucres.
 Quin etiam pecces in publica commoda, terram
 Tunc insana coquit, siccasque Canicula messes;
 Undique sulphureos Tellus vomit usta vapores,
 Nullaque præter aves delectat rura voluptas.
 Unica quæ miseris superant solatia terris
 Tollere grande nefas: ne te trahat ista cupido.

Ast ubi jam coquitur Septembri sole racemus,
 Purpureisq; rubet saturata coloribus uva,
 Frigora dum æstatem, dum frigora temperat æstas,
 Utere tunc visco: at (curam hanc decet esse priorem)
 Collige aves caveis, socias quæ voce canorâ
 Invitare queant, Sirenum more, volantes.
 Atque equidem fateor, nisi me via cœpta vocaret,
 Forsitan & caveis canerem quæ cura fovendi,
 Quoque modo teneantur aves, quo viminè Spinus
 Gaudeat, & teneram quis victus Achantida pascet,

uali ad cantum fingenda sit arte, docerem.
 Nam Byſantinis memini ſub mœnibus olim
 dævum vidiffè ſenem, quem plurimus uſus
 ſos avium docuit cognoscere mores.
 pè ſuæ volucres labor unicus, unica cura,
 iæ Domini, & ſolatia blanda ſenectæ.
 , ubi Puniceos Aurora retexerat ortus,
 thoro ſurgens aviaria lætus obibat,
 undiſque putres expurgans ſordibus ædes,
 ea frigidulis renovabat vaſcula lymphis.
 lebat caſulas; mirum! mora nulla, volucres
 totum conclave vagis excurrere pennis.
 i ipſe oſtiolis, quâ ſe dabat exitus, omnem
 bam avium ruere & blando trepidare tumultu.
 c ſalit in gremium, ſeque altâ veſte recondit:
 c ruit è latebrâ nutu bene docta Magiſtri,
 ernoque petit digitum faſtigia ſaltu,
 ltiplicesque ciet, toridem miracula, ludos.
 rum hæc anguſtâ conſuſus temporis horâ
 tereo, cœptosque juvat nunc pergere curſus.
 * Sunt tibi proviſæ volucres? Jam conde cavaris
 tilibus viſcum quod puris innatet undis.
 in raris quæras horrentem ſentibus agrum
 i ſit ab arboribus mundus, ne fortè volucres

Author carminis unus eſt ex Orientalibus qui in Collegio Ludovici Magneſieſio Regis educantur, Conſtantinopoli oriundas quæ Byſantium olim a ſt.

* Cette maniere de prendre les Oiſeaux s'appelle la beſſe.

A iiij

Arbore, quàm infidis malint consistere ramis.
 Id metuens, procul arboribus tibi selige campum.
 Tonde aliquot dumos, ut tondent forfice Buxum.
 Multiforem dein plecte casam, lucique patentem,
 Atque illam filice, aut lentâ contexe Genistâ,
 Unde videre queas, nec tu videre, cadentem
 In teretes ramos celsâ de nube volucrem.

His ita dispositis fatales ulmea virgas
 Sylva dabit, lentum nisi mavis sumere vimen.
 Si quæ luxuriant, tractim circùm excute frondes,
 Et cura extremam ramorum findere partem,
 Ut facilè impositi possint consistere dumis.

Ante diem nascens roseis quàm vecta Quadrigis
 Aurora in terras, discussâ nocte, reducat;
 Tempore quo ludunt humanas improba mentes
 Somnia, cùm reliquis dominatur Lucifer Astris,
 Tunc membra è somno, tunc mollibus eripe stratis.
 Unâ sume manu caveas, ferat altera ramos.

Ante ramen prudens Cælum circumspice, nimbis
 Si tibi nec Boreas, tibi nec portenditur Austro,
 Nec tristes nebulæ terram infecêre madentem.
 Nî cælum rider, thalamos, me Authore, revises:
 Sed purum si mane, dies sine nube serena est,
 Vade, age, carpe viam, tua si tibi commoda curæ.
 Cum semel in campum, & casulam de more paratam
 Veneris, arboreos visci medicamine ramos
 Infice; sed puris digitos immergere lymphis

Sis memor, aut propriâ primus retinere fraude.
Ergo age, tempus adest dumis imponere ramos.
Non multùm hærentes fissuris inferre spinas.

Jamque refulgentis rediviva crepuscula lucis
Admonuere vagas volucres ut pabula quærant :
Rumpe moram, caveas properes supponere dumis
Scilicet armatis visco ; super injice frondes,
Quæis caveâ inclusæ lateant impunè volucres.
Inde casam repetas, nec eâ statione recede,
Donec aves Cælo in Dumos speculère ruentes.
Nec longum tempus : turmatim densa volucrum
Agmina proflient, quàm multas Auster Arenas
Turbine contorquet. Præsentis nescia fati
Turba pipit : sed enim ex caveis vox perfida prodit,
Et latè auditur malè dulcis in æthere cantus.
At volucrum obijciunt se corpora nulla canentùm.
Turba inhians suspensa stetit, mollesque supinâ
Combibit ore sonos, ardetque videre quod audit.
Heu fuge fallaces, volucris malè provida, cantus !
Heu fuge Syrenes ! sic sic periisset Ulißes,
Nî cerâ bibulas sociorum, providus, aures
Clauderet, & Malo patiens post terga ligari,
Illecebram, & mollis repulisset gaudia cantus.

Quid loquor ? in ramos en depluit undique nubes,
Nec, Boreâ stridente, cadunt tot ab ilice glandes.
Ergo quærit avis viscato insidere ramo ;
Dumque amat illabens dumos crispare volatû,

Extemplò sentit summas hærescere plumas.
 Ter celerem molita fugam , ter inutile pondus ,
 Pendet in abruptum , viscoque tenaciùs hæret.
 Tandem furta videt , fraudes sentire malignas
 Incipit , heu seros quid prodest scire dolores !
 Jam crudelis adest Auceps qui vincla resolvat,
 Expediatque doliis , sed libertatis amicum
 Munus (ne gratare tibi) mors atrâ sequetur.
 Nempè Auceps factò pius , & crudelis eodem ,
 Sæpè solet volucres in duram illidere terram ,
 Ut pereant equidem , at lentâ ne morte necentur.

Siccine Gens hominum vobis benefacta rependit
 Immeritum , volucres , genus ? Hæc sunt præmia vocis ?
 Nunc canite in sylvis , virides nunc ite per agros ;
 Cantibus hoc vestris munus ; mors dira paratur !

Interea celeres repulêre repagula cælo
 Solis Equi , & primum sparsêre per arva ruborem.
 Perge , super dumos Ramalia tincta refige.
 At propè cùm medium Phæbi rota venerit Orbem ,
 Tunc est , judice me , tempus discedere campis.
 Desine capturis nequicquam inhiare negatis :
 Tunc umbras quærent volucres , sylvasque revisunt ;
 Tu quoque cede loco , properesque revisere tecta.

O dulces reditus ! quantum quærentibus amplam
 Ostentare juvat , mensisque apponere prædam !
 Ipse experta loquor. Memini primoribus annis ,
 Cùm puerum tellus me Byantina foveret ,

Quàm fuerit gratum volucres deludere visco,
Exuviisque graves humero suspendere peras.
Nunc Byfantinis, superi, me sistite Campis.
Scilicet illa parit Regio genus omne volantum;
Nec tantum attonitos demulcet Musica sensus,
Quantum illic dulces avium placuere querelæ.

Quamquam nec volucres solum parit, omnia Tellus
Prodiga per sese gremio de divite fundit.
Est terræ mite ingenium, purissimus ær.
Hic dulces videas, Cerealia munera, messes
Undique maturis paulatim crescere culmis.
Nec satis: Urbs miranda situ, tutissima Nautis,
Dives opum, belloque potens, dominatur in æquor,
Prospectumque petens latè Pelago, inde repostas.
Externo sub sole videt, Maris arbitra, gentes.
Felix illa quidem, immitis nisi lege Tyranni,
Obrutaque imperio gerneret; felicior, Armis
Si posset, LODOICE, tuis sceptroque teneri,
Quæ demissa tuum nuper captabat amorem.
Hæc equidem decus antiquum, Nomenque resumet,
Si fors Crescentis deponat Cornua Lunæ,
Substituaturque suis felicia Lilia signis.
Quando erit ut nobis quæsitos tangere portus,
Et tandem optatâ detur tellure potiri!

Quo me, Musa, rapis? Quo me meus abripit ardor?
Parcite: correptus patriæ invitantis amore,
Jam mihi Natales fingebam visere terras.

Nunc opus est alios expendere glutinis usus.

Ne quæras agro spatium; tibi frondea certam
Sedem Sylva dabit; grandævam felige quercum:
Arboribus ne sit propior, dominetur apertum
In spatium, & circum resonabilis aſſonet Echo.
Postquam reppereris, frondes modò decute ramis:
Ilicis ad medium speculam dein plectere truncum
Cura sit, optatam de quâ speculabere prædam.
Sylvam mane petes, ramalia lenta veneno
Glutinis inficies; latebras tum quære paratas:
Sed torquere memor, tumidasque intendere buccas,
Bubonis fœdi malè gratam imitabere vocem.
Nec mora, Buboni Bellum rivale parantum
Alituum glomerata phalanx, factò agmine, pennâ,
Et pedibus, stricisq; volant in prælia rostris.
Dum loquor, attonitis belli fragor intonat auris,
Roſtelloque cævos litui referente sonores,
Mutua sese in bella vocant. Mavortius omnes
Ardor agit, dirosque animis exſuſcitât æstus.
Huc veniunt Merulæ(a) audaces, venit improba Pica(b)
Corvus (c) & angustò fortis sub corpore Passer (d)
Frigilla(e), & Turdus(f) præceps, Sturnique(g) minaces,
Necnon Rusticulæ(b), & tenerâ cum prole Coturnix, (i)
Corydalusque(k) volat, Picusque(l), & garrula Perdix, (m)
Graculus, (n) & Cornix (o), cum Floro (p) mollis
Achantis (q)

(a) Merles. (b) Pica. (c) Corbeau. (d) Moineau. (e) Pinſon. (f) Grive.
(g) Etourneau. (h) Bécassins. (i) Caille. (k) Alouette. (l) Picvert. (m) Per-
drix. (n) Geay. (o) Corneille. (p) Bruiant. (q) Chardonneret.

Cantu blanda quidem , rostro sed diraminaci.
 Atque aliæ quæcunque volant per inane volucres
 Addunt se focias , quas sit comprehendere versu
 Et numerare labor. Magnis clamoribus illæ
 Bella parant , illæ rostro minitante laceffunt.
 Quippe indignantur Noctis quòd nata tenebris
 Audeat in claram volucris se ostendere lucem.

At nusquam Bubo est , & voci bella paratis ,
 Infanæ volucres , sonus est quod creditis hostem.
 Perdita turba fuge , averfisq; relabere pennis :
 Credula , quò properas ? nocituros siste furores ,
 Ibit enim in dirum rabies conversa dolorem.
 Nilago : Mavortis flagrant sub pectore flammæ.
 In ramis jam turba sedet , jam perlita visco
 Insidias heu ! serò videt , damnatque furorem.
 Tutamen intereà prædam speculatus ab imis
 Attentus latebris , volucres citò funere plecte ;
 Nec demùm abstineas mentito fallere cantu ,
 Donec Pera gravis prædæ sub mole fatiscat.

PERGITE , Pierides , aliam nunc pandite fraudem
 Quæ Laqueis , Pedicisque * docet prensare volucres.
 Hæc avibus metuenda magis , nec sævior ulla est.

Vere novò cùm terra gelu resoluta , virentes
 Incipiet laxare sinus , cùm pullulat arbos ,
 Et surgunt violæ campis , cùm gramina florent ,
 Tunc verearis aves. Per conscia numina testor ,

* Les pièges & les filets.

Testor per si qua est pietas Mortalibus usquam ,
 Parce pias scelerare manus : tunc arbore lætos
 Confociant volucres cantus , Zephirosque salutant ,
 Assiduoque canunt reducem modulamine Floram.
 Tunc quoque (nomen enim titillat dulce parentis)
 Suspendunt nidos ; mater tunc incubat ovis ,
 Et fovet implumes , arcetque à frigore pullos.
 Non hunc Aucupio fas est turbare laborem.
 Væ manibus duris quæ tantum admittere possint
 Crimen , ut in nidis solam sine matre relinquant
 Progeniem ! multos crudeli hoc funere perdunt ,
 Dat multis mors una necem , nam lucis in ipso
 Limine dira fames inopino funere mergit.
 Ergo animam miseri expirant , superosque supremis
 Vocibus implorant , ne se patiantur inultos.
 His , nisi inhumanos foveas sub pectore sensus ,
 Ah ! precor , abstineas. Sed cùm penetrabile frigus
 Regnat agris , gelidâ Boreas cùm sævit ab Arcto ,
 Cùm nullos audet miser exercere labores
 Agricola ; & Zephiros invita per otia tectis
 Stramineis expectat iners , Phæbique morantes
 Increpitat reditus , ut tandem Australibus arvis
 Expulso revehat , verso Temone , calores ,
 Incipies stultas laqueis prensare volucres.
 Primum si Merulas , si mens est fallere Sturnos ,
 Retia * sic pones. Angustam selige callem

* Les Filets.

Quam sepes utrinque premat, quæ quattuor ulnas
Adsummum pateat, quantum se lata plagarum
Pandere lina valent; bifidas dein figere virgas
Cura sit, & summis innectere retia Furcis
Partibus à quatuor: pars pendeat altera Retis
Quæ volucris objiciat laxato gutture saccum.
Reticuli nempe in morem quo piscis inhæret
Fecere hunc laqueum. Texti sunt undique nexus
Dispositi in quadrum; retis pars ima patentem
Definit in saccum facili quem stringere motu
Aut laxare queas: trudit se Turdus in illum
Imprudens, subito miserum malè sacculus arctat,
Quòque magis premit ille fugam, magis ille tenetur.
Ut cum pisciculus captus pellacibus escis
Se sentit reti implicitum; dum solvere nexus
Obluctatur agens, sese magis implicat illis.
Jam verò laqueum cum sic suspenderis altè,
Carpe manu baculum, & Merulas exire latebris
Compellas strepitu; sæpè admirabère nubem
Irruere, & totis in retia tendere pennis.

Nec soli interea venient ad retia Turdi,
Nec solæ venient Merulæ; tibi præda paratur
Nobilior: namque ipsæ etiam venièr Palumbes.
Necnon Rusticulæ adproperant; quid denique? Turtur,
Turtur & ipsa venit fido sejuncta Marito.
Infelix! quippe una duos Mors perdet amantes.
Quales tunc gemitus! resonant singultibus auræ.

Sic, misera Eurydice, rigida te rupis in antro
 Flebilibus modulis, noctuque diuque canebat
 Orpheus, & raptos cum Coniuge flebat amores.
 Interea vitæ impatiens sedet arbore Turtur,
 Si-ve arefcit agris effæto languida trunco
 Populus, hac gemitu luctus solatur amarus;
 Si queis dulce mori capiant solamen amores.
 Nunc odia & rixas, nunc exercete furorem
 Immites sponfæ, sponforum inquire in annos,
 Cùm sic orba suo Turtur succumbat amoris

Ars nova* tractanda est. Tristem quot mittis ad Orcum
 Ars nimium crudelis aves! cùm plurima vestit
 Undique nix terram, & volucres præ lucis amore
 Occursus hominum quærunt, hæc utere fraude.
 Per latum nivibus mundabitur area quadrum.
 Continuo spatium levibus circumdare culmis
 Cura fit, & teretes telluri infigere palos,
 Nempè inter culmos, qui celent undique fraudem.
 Tefti deinde doli, Pedicas dixere, parantur.
 In promptu labor est: setæ adnectuntur equinæ
 Flexilibus Palis; laqueorum & more ligantur,
 Ut filo incautam possint constringere prædam.
 Nec mora: quò possis volucres inducere, sparge
 Exile aut milium, vel pinguis semina lini.
 Protinus innumeras cernes properare Phalanges:
 Sentibus erumpent passim; quamplurima mane

* Les Pièges

Formica è latebris sese per gramina fundit ,
Ut solitos repetat , Phœbo redeunte , labores.
Quàm multi insurgunt viridi de cespite Flores,
Cum spirant Zephyrorum animæ : quàm denique multi
Debacchante Noto, properant ad littora fluctus.
Tanta fames agitat , tantum jejunia vexant !
Heu ! miseranda fames , misero satiabere fato.

Omnes quippe legunt avido mala semina rostro.
Imprudens volucris ludens huc transit & illuc ,
Itque reditque viam, heu! laqueo comprehenditur arcto.
Illa adnixa trahit , sed dum trahit , arctius hæret.
Quid faciat ? sociæ , miseræ succurrite , clamat.
Hæ properare volunt , sed strictis crura teneri
Tandem quæque videt laqueis. Si credere fas est ,
Sic dum nocte , dieque vocant Phætona sorores
Heliades , terræ perhibent hæsisse ligatas.
Quæ prima est constricta pedes , conterrita & amens
Contiguam incæpit gemitu implorare sororem.
Audiit illa quidem , sed enini conata venire
Ipsa pedes doluit subita radice teneri ;
Auxiliumque petit quæ nunc afferre parabat.
Mox aliæ mirantur idem , mirantur , & hærent ,
Immotæque pedes ad cælum brachia tollunt .
Sic volucres , (si parva licet componere magnis)
Immotæ pedibus , tendunt ad sydera pennas.

Et tibi, quis credat ? fraudes, Philomela , parantur.
Quamvis ruris honos , quamvis gratissima veris

Nuntia, præcurras Zephris, cantuque reducas :
 Attamen insidias molitur perfidus Auceps.
 Muneribus Floræ dum prata nitentia rident,
 Dumque omnis Natura viret, cantuque resulant
 Luscinia nemora, in sylvam se proripit Auceps.
 Eheu ! quo properas ! unum tibi fistula telum est ;
 Sed mage non noceat Philomelæ missile plumbum.
 Sollicitas aures adhibet, num fortè canantem
 Lusciniam audierit, miseram malè subdolanus audit.
 Arboris illa sedet nascentibus abdita ramis,
 Præcinit & proprio, discriminis inscia, fato.
 Ad truncum accedens, calamos accommodat ori,
 Ad digitosque Auceps vibrata foramina flectit.
 Aucupis hinc moduli resonant, hinc Mimula cantus
 Luscinia ingeminat, venit in certamen honoris
 Dulcis amor laudum, & vincendi pulchra cupido
 Utrumque exagitat. Sinuoso hic pollice Buxum
 Increpat, auditos hæc ruminat æmula cantus.
 Fit pugna : hic modulos, hæc promit gutture carmen;
 Hic premit, illa refert : alter gemit, altera quæstus
 Edit : hic in varios sinuat modulamina flexus,
 Hæc etiam in longos tendit modulamina gyros :
 Hic levibus modulis raptim transcurrere gestit,
 Illa sonos etiam cæsim crispare laborat.
 Non ita quæ sylvis lasciva jocatur imago
 Verba reperiussæ reddit per inania vocis.
 Omnigenos Philomela refert de gutture cantus,

Rivalemque modis tentat superare Lyristen,
 Languida sed tandem siccis vox faucibus hæret.
 Aucupis ante pedes in pulis modo pluribus impar
 Heu! cadit exanimis, cecinitque cadendo volucris,
 Lugete, ô Dryades, tristes lugete Napeæ!
 Sylvarum, Philomela; decus, pulcherrima gentis
 Gloria pennatæ, crudeli morte perempta est.

Hæc tibi fata time, nimio qui laudis amore
 Captus, inaccessos moliris viribus ausus.
 Ah! cave, ne similes tibi vana superbia casus
 Invehat, & laudis perdat te insana cupido.
 Felices vero, ruris si commoda norint,
 Secretos nemorum quibus est habitare recessus,
 Non illos tangit præclari nominis umbra,
 Ambitiove potens, vel amor lymphatus habendi.
 Anxia non placidam curarum exanima mentem
 Sollicitant, animosque subit damnosa voluptas.
 Nunc celeres jaculo Cervos, cursuque fatigant:
 Nunc jûga per nemorum vel apros in retia trudent,
 Auritumve premunt leporem, laqueove tenaci
 Incaûtas captant volucres. Sic aurea quondam
 Currebat placidè priscis Mortalibus ætas;
 Sic vos Agricola, turrata Palatia Regum
 Exosi, parvis agitat in ædibus ævum,
 Nullaque securas rumpunt insomnia noctes.

F I N I S.